



## **Universitätsbibliothek Paderborn**

**Antidecalogvs Theologico-Politicvs Reformatus**

**Dript, Laurentius a**

**Paderbornae, 1672**

2. Prudentia humana viribus naturae derelicta, probabilissimè crederet  
dari plures Deos.

**urn:nbn:de:hbz:466:1-13441**

**PROPOSITIO I.**

*Deorum pluralitas stando puris principiis naturalibus defendi potest & propagari.*

*Cum quâ Symbolizat illa quæ sequitur.*

**PROPOSITIO II.**

*Prudentia humana viribus naturæ delicta probabilissime crederet dari plures Deos.*

2. Quibus vides ex mente hujus Authoris probabilissime, & absque peccato possit ab homine gentili credi plures Deos, eademque qua credit probabilitate, eos coli & adorari: unde nec si hoc faciat, & plures Deos ac Idola colat, à Deo puniri poterit, ut pote sequens sententiam probabilem, consequenter laborans ignorantia invincibili, quæ à peccato, ejusque poenâ & reatu liberat, ut supra dictum est; afferit ergo hic Polytheismum, imitatus serpentem primorum parentum deceptorem, qui eis Polytheismum persuasit dicens, eritis sicut Dij. in directe

directe innuens plures posse dari Deos. Vnde *Justinus Martyr.* in *parenetria ad gentes* in *psal. 13.* loquens de eodem *primos homines* inquit *plurium Deorum cultum docere est ausus.* Et *Chrysostomus* de insipiente illo tractans, qui dixit, in corde suo non est Deus: *Primus insipiens inquit Diabolus fuit, qui primus insipientiae seminator extitit, & primus praecō multitudinis Deorum dicens eritis sicut Dīj.* Ex quo infert idem *Chrysostomus*, eundem quoque seminando Polytheismum induxisse Atheismum, unde paulo post sub-jungit: *Quicunque mulcos Deos adorat, dicit non est Deus: quemadmodum enim maritorum multitudo efficit, ut non censeatur maritus, ita multorum Deorum cultus est impie-tas, & perinde est, ac si nullum colas, multorum enim Deorum admissio est unius negatio.* Consentit Athanasius orat. cont. *idololat.* inquiens, *multitudo Numinum, nullitas Numinum: cui concordat Apostolus, ad Ephesios inquiens illos tempore Gentilismi fuisse sine Deo in mun-do.* Ad quæ verba *Chrysost.* comm. in *Auctor. 19.* Et quomodo ait *Ephesij sine Deo: hinc simu-lacra, illinc imagines, illuc Neocros Diana, illuc*

D 5

Deme-

*Demetrius argentarius, qui faciebat templum Diana argentea: tantus est grex Deorum, quomodo sunt absque Deo Ephesij? sed propterea sunt impij & absque Deo, quod cum multis Deos elegerint, ab uno exciderunt. Igitur multitudo Numinum nullitas Numinum, qui proinde sentit probabilitatem defendi posse stando in puris principijs naturae dari pluralitatem Deorum, is quoque ex mente sanctorum Patrum sentit.*

### PROPOSITIO III.

*Probabile est secundum humanam pridentiam sibi relictam non dari Deum.*

3. Ne hoc cuiquam tam mirabile videatur, cum Author propositionum proxime allatarum id ipsum non incongrue insinuerit afferit.

### PROPOSITIO IV.

*Potest dari invicibilis ignorantia Dei quoad aliquod tempus saltem breve.*

Et hanc sententiam non esse improbabilem, sed probabilem ipse sentit, dum hoc ab omni-